

Акафист Пресвятой Богородице в честь иконы, именуемой  
«Черниговская-Гефсиманская»

Кондак 1

Избранней от всех родов Царице Богородице, показавшей миру чудеса многая, чрез образ святя иконы Своея Черниговския щедро изливаемая, благоговейная пения приносим Ти раби Твои, Пречистая. Ты же, яко имущая державу непобедимую, от всех находящих на нас бед и скорбей свободи, да зовем Ти: Радуйся, Венценосная Царице, Российския Гефсимании похвало и украшение.

Икос 1

Ангельский глас возвести Тебе о безсеменном Бога воплощении, егда благодать Божия яви Тя, Пречистая Дево, нетленное и всечестное Сына Божия вместитище, тем же вси роди благоговейно величают Тя:

Радуйся, праведныя Елисаветы целованием обрадованная;

радуйся, обители целомудрия, чистотою Своею прославленная.

Радуйся, матернюю любовь к падшему Адаму явившая;

радуйся, вселюбимаго Богомладенца без семени родившая.

Радуйся, светлыя тайны Богоявления познание;

радуйся, милосердия Бога Отца вселенней дарование.

Радуйся, многоплачевное гордаго денницы поражение;

радуйся, всего мира благодарственное поклонение.

Радуйся, горнице всевятая, светом невечерним озаренная;

радуйся, в скорбех горнило очищения.

Радуйся, небесных воинств ангельское пение;

радуйся, животя Твоего Всевышнему всецелое приношение.

Радуйся, Венценосная Царице, Российския Гефсимании похвало и украшение.

Кондак 2

Виде милость Твою, Владычице, угодник Божий Антоний Киево-Печерский, егда обрете на древе ели на Болдиней горе икону Твою, милости Твоя над обителю новою знаменующую, тем же нарече ю Черниговская Елецкая, благодарственно вопия Богу: Аллилуиа.

## Икос 2

Разумѣя недоразумѣваемое преслѣвнаго Твоего явленія чúdo, вѣрою приѣм обетованіе покрóва Твоего и предстѣтельства, угóдник Бóжий Антóний со страхом речѣ такова́я:

Рáдуйся, на крылѣх херувимских лѣгце носимая;

рáдуйся, во храм Бóжий измлада приносимая.

Рáдуйся, вѣрныя рабы Твоя милостію Своєю осенившая;

рáдуйся, Зиждителя вселенныя из боку чисту родившая.

Рáдуйся, образа Твоего на дрѣве эли чудесное обрѣтение;

рáдуйся, Жениха в ноци грядущаго с неугасимою лампадою срѣтение.

Рáдуйся, падшаго человечества из глубин греха воззваніе;

рáдуйся, спасительное міру дарованное обетованіе.

Рáдуйся, на брак в Кане с Сыном Своим приглашенная;

рáдуйся, смиреніем свѣтло преукрашенная.

Рáдуйся, всечестным сияніем добродѣтелей, яко диадимою, венчанная;

рáдуйся, чистотою Своєю к служенію Бóгови призванная.

Рáдуйся, Венценосная Царіце, Россійския Гефсиманіи похвало и украшеніе.

## Кондак 3

Силу Свою хотѣ явити, нóву икону Черніговскую показав Господь, иноком Геннадіем писанную во обители Ильинстей, прослави ю слез теченіем. Егда же нечестивии агаряне во град Чернігов приидоша, не могуще коснуться пречистаго образа Твоего, Пресвятая Богородице, посрамленнии отыдоша, иноцы же святія обители Ильинския прославиша Тя, благодарственно зовуще Сыну Твоему: Аллилу́иа.

## Икос 3

Имуще всемо́щное заступленіе Твое, Дѣво Богородице, от Черніговския иконы во обители Ильинстей явленное, егда нечестивых агарян в бѣгство обратила еси, иноцы тоя возопиша Тебѣ такова́я:

Рáдуйся, Ильинстей обители милостивая покровительнице;

рáдуйся, душ наших безмездная целительнице.

Рáдуйся, теченіем пречистых слез Твоих люди Твоя на путь покаянія наставившая;

рáдуйся, о гресех міра слезы Свои пролившая.

Рáдуйся, знамение міру спасенія;

рáдуйся, дерзости нечестивых агарян посрамленіе.

Ра́дуйся, иноков Ильи́нския оби́тели дерзнове́ние;  
ра́дуйся, му́чеников изве́стное отдохнове́ние.  
Ра́дуйся, в по́двизех почи́вших при́сная отра́до;  
ра́дуйся, подьёмших благо́е и́го Христо́во священна́я награ́до.  
Ра́дуйся, взбра́нная Воево́до непобеди́мая;  
ра́дуйся, небе́сных вои́нств Предводи́тельнице.  
Ра́дуйся, Венцено́сная Цари́це, Росси́йския Гефсимáнии похвало́ и  
украше́ние.

#### Кондак 4

Бу́рею печа́ли обдержима́ бяше деви́ца Алекса́ндра, моли́вшаяся  
пред ико́ною Твое́ю о возвраще́нии ма́тере свое́я. Исполне́ние же  
проше́ния получи́вши, благода́рно принесе́ ю в пеще́ры Гефсимáнския  
Тро́ическия оби́тели преподо́бнаго Се́ргия, ино́цы же оби́тели, ве́рою  
прие́мше святу́ю ико́ну Твою́, Богома́ти, ра́достно воззва́ша Бо́гу:  
Аллилу́иа.

#### Икос 4

Слы́шавше ве́рнии словеса́ Бо́жия, я́ко не мо́жет укрь́тися град на  
верши́не горы́, узре́ша сия́ние чуде́с Твои́х от ико́ны Твое́я, Пречи́стая,  
в пеще́рном хра́ме Гефсимáнския оби́тели я́вленное; се́ бо ико́на Твоя́  
я́ко свети́ло, не под спúдом, но на све́щнице поста́вленное, освети́  
вселенну́ю, те́м же и воспéша Тебе́ такова́я:

Ра́дуйся, заре́ невече́рняго дне́, в пеще́рах воссия́вшая;  
ра́дуйся, оби́тель Гефсимáнскую чуде́сы Свои́ми просла́вити  
возжела́вшая.

Ра́дуйся, деви́цу Алекса́ндрю исполне́нием проше́ния е́я  
утéшившая;

ра́дуйся, на́шу ску́дную моли́тву, я́ко вдови́цы две́ ле́пте,  
прие́млющая.

Ра́дуйся, незаходи́мага Со́лнца Пра́вды Ма́ти всечестна́я;  
ра́дуйся, Де́во богому́драя и всесвята́я.  
Ра́дуйся, собра́вшая на земли́ добродетелей сокро́вище нетле́нное;  
ра́дуйся, свети́ло освети́вшее вселенну́ю.  
Ра́дуйся, дщи́ Иоакима́ и А́нны боговенча́нная;  
ра́дуйся, Е́й же благове́стием арха́нгела Гаври́ила дарова́ся ра́дость  
несказáнная.

Ра́дуйся, естества́ чин вышеесте́ственно претворя́ющая;  
ра́дуйся, вся́ во благо́я проше́ния на́ша исполня́ющая.

Радуйся, Венценосная Царице, Российския Гефсимании похвало и украшение.

### Кондак 5

Боготечную звезду, воссиявшую в пещерах Гефсиманския обители, икону Твою, Пречистая, узревши разслабленная Фекла, лобыза ю со страхом Божиим и абие исцелё от недуга своего телеснаго, из глубины души благодарственно вопиющи Сыну Твоему, даровавшему Тебе толикую благодать: Аллилуиа.

### Икос 5

Видевши славу Всевишняго, разслабленная Фекла, прежде на руках носимая, благодатию же Твоею здрава ходящая, образу Твоему поклоняющихся, Всесвятая, возопи Тебе таковая:

Радуйся, неисцельно недугующия со одра болезни возставляющая;  
радуйся, милости и щедроты Твоя нам грешным подавающая.

Радуйся, отчаявшихся обетованием благ вечных ободрение;

радуйся, скорбящих Матернее утешение.

Радуйся, во узах адских заключённых надеждо;

радуйся, душ наших, обнажённых благодати, всезлатая одеждо.

Радуйся, козней вражеских паучину попяляющая;

радуйся, гордых посрамляющая и уничижающая.

Радуйся, сило свыше, дела рук наших неправедная исправляющая;

радуйся, рук помощи, из пучин суетных житейских извлачающая.

Радуйся, в лени и праздности время живота своего погубляющих предостережение;

радуйся, к животу вечному возвание и в трудех богоугодных вспоможение.

Радуйся, Венценосная Царице, Российския Гефсимании похвало и украшение.

### Кондак 6

Проповедницы исцелений Твоих не возмогоша описать славу Твою, егда не токмо телесное, но и духовное здравие подала еси, Богомати, Иоанну селянину, цепями окованному, яко другому гадаринскому бесноватому. Сей же, исцеление получив, усердно вознесё молитвы своя пред иконою Твоею и возопи Зиждителю вселенных: Аллилуиа.

### Икос 6

Возсиявый свет в пещерах Гефсиманския обители приведе к пречудней иконе Твоей Иоанна, обдержимаго буйством и яростию, сей же верою пред тою приклонився, исцеление от духовных сея немощи получи и воззва Благословенней таковая:

Радуйся, душ наших скверных омовение и возрождение;  
радуйся, обдержимых страстию пьянства трезвение и буйных краткое исцеление;

Радуйся, кающихся блудников и прелюбодеев чистоте Своей подражати научающая;

радуйся, разжженную похоти пещь угашающая.

Радуйся, омраченных неверием светом веры озарение;

радуйся, путеводительнице, отвращающая от путей еретического заблуждения.

Радуйся, рабов чревоугодия воздержанию научающая;

радуйся, честолюбцев памятию смертною вразумляющая.

Радуйся, елеем горним язвы греховныя щедро умащающая;

радуйся, в бездну порока ввергшихся покаяние не отвергающая.

Радуйся, мира сего суетную и преходящую славу, яко дым, развевшая;

радуйся, добрая семена веры в душах наших засеившая.

Радуйся, Венценосная Царице, Российския Гефсимании похвало и украшение.

### Кондак 7

Хотящи словом Господним утвердиться, словом Господним просветиться, якоже рече: «Оставьте детей приходить ко Мне и не браните им: таковых бо есть Царствие Божие», принесе матери младенцы своя Софию и Елену в пещерный храм ко иконе Твоей. София бо умираше, Елена же болезнию глаз обдержима быше, егда же прикоснетесь к иконе Твоей, исцеление получите, и купно с материю своею возопиете Богу: Аллилуиа.

### Икос 7

Новыя милости уразумевши, от иконы Твоея святых Черниговския Гефсиманския проистекающая, жена благочестивая, поемши болящия младенцы своя, приложи тех иконе святей Твоей, и абие исцеление сих видевши, возопи Всерадостней таковая:

Радуйся, слезы матерей о чадах своих матерински отирающая;

радуйся, младенцев от напастей ограждающая.

Радуйся, Ею же чадом прилежным разум подается;

ра́дуйся, ча́д благопо́слушливых безмяте́жное де́тство.  
Ра́дуйся, се́мейств благоче́стивых неруши́мое еди́нство;  
ра́дуйся, благосло́вляющая че́стное мате́ринство.  
Ра́дуйся, за́щитнице чи́стою со́вестию в пра́вой и́стине ходя́щих;  
ра́дуйся, пло́ды Ду́ха Свята́го стяжа́вшая.  
Ра́дуйся, врата́ затворе́нная, чрез них же произы́де Госпо́дь Бог  
Израи́лев;  
ра́дуйся, сви́тче, в нем же пе́рстом О́тчим написа́ся Сло́во  
воплоща́емо.  
Ра́дуйся, Же́но, Ея́ же Се́мя сокруши́ зме́еву главу́;  
ра́дуйся, изде́тка преда́вшая Го́споду ду́шу Свою́.  
Ра́дуйся, Венце́носная Цари́це, Росси́йския Гефсимáнии похвало́ и  
украше́ние.

### Кондак 8

Стра́нная чудеса́ ви́деша ве́рнии, в пеще́рах Гефсимáнския оби́тели  
явле́нная, мно́жества мно́гая исцеле́ний, происте́кших от Твоея́,  
Богома́ти, ико́ны, источи́вшая нам греш́ным во́ды живи́тельныя  
благода́ти, вопию́щим благода́рственно Бо́гу о Тебе́: Аллилу́иа.

### Икос 8

Вся́ бэ́ Го́споду послу́шливая, Ему́ Еди́ному покланя́ющися и  
служи́щи, Де́во, хотя́щи же дарова́ти оби́тели Своёй, святите́лем  
Филаре́том Моско́вским осно́ванной, сла́ву, подо́бную сла́ве  
Иерусали́мския Гефсимáнии, произведе́ в ней чудеса́ оби́льная от  
ико́ны Своёя́ чудотво́рныя, темже научи́ла еси́ нас пе́ти Тебе́ си́це:

Ра́дуйся, благосло́вение Иерусали́мския Гефсимáнии оби́тели  
Своёй прине́сшая;  
ра́дуйся, огонь́ богоуго́дныя мона́шеския жи́зни в росси́йстей  
Гефсимáнии возже́гшая.  
Ра́дуйся, Бо́жие к нам греш́ным благово́ление;  
ра́дуйся, Гефсимáнския оби́тели реко́ исцеле́ний.  
Ра́дуйся, зла́то невесте́ственное, пра́ведностию осия́нное;  
ра́дуйся, неветша́ющее сокрови́ще, христиа́ном дарова́нное.  
Ра́дуйся, стра́сти грехо́вныя, вавило́нския младе́нцы имену́емая, о  
ка́мень разби́вающая;  
ра́дуйся, мы́сленнаго фара́она в мо́ри Чермне́м потопля́ющая.  
Ра́дуйся, па́че серафи́мов Бо́гом возвы́шенная;  
ра́дуйся, в моли́твах Твои́х Отце́м Небе́сным услы́шанная.  
Ра́дуйся, все челове́чество у Креста́ усыновив́шая;

ра́дуйся, милосе́рдие Сы́на Твоего́ к нам грешным приклонившая.  
Ра́дуйся, Венце́носная Цари́це, Росси́йския Гефсимáнии похвало́ и  
украше́ние.

### Кондак 9

Вся́кое дре́во от пло́да своего́ позна́но быва́ет, не собира́ют бо от  
те́рния гро́зды, ниже́ от ре́пия смо́квы; Ты же от Пло́да Своего́  
благослове́ннаго позна́лася еси́. Научи́ и нас приноси́ти Бо́гу до́брыя  
плоды́ непосты́днаго жи́тельства, да и мы грешни́и воззове́м  
Живода́вцу: Аллилу́иа.

### Икос 9

Ветии́ многовещáннии не мо́гут изрещи́ Ма́тернее Твое́ попече́ние  
и забо́ту о нас грешных, я́ко возрасти́ла еси́ нам во оби́тели  
Черни́говстей па́стырей богодухнове́нных: блаже́ннаго Фили́ппа и  
преподо́бнаго Варна́ву, Твои́м водите́льством воспиту́ющи я́ в стра́се  
Бо́жием, и нас науча́ющи подража́ти их сла́вному жити́ю, вопию́щих  
Тебе́ тако́вая:

Ра́дуйся, любóвию Твое́ю крóтких оза́ряющая;  
ра́дуйся, ми́лостыню милосе́рдных в ру́це Твои́ принима́ющая.  
Ра́дуйся, блаже́ннаго Фили́ппа на ископа́ние пеще́р  
благослови́вшая;  
ра́дуйся, до́брому па́стырю преподо́бному Варна́ве пасти́ о́вцы  
Отца́ Небе́снаго поручи́вшая.  
Ра́дуйся, по́стников дерзнове́ние и ра́зума духо́внаго дарова́ние;  
ра́дуйся, возлюбив́шая рабо́в Твои́х всено́щная бде́ния.  
Ра́дуйся, за возде́ржание возде́ржных благода́тию сто́кратно  
возда́ющая;  
ра́дуйся, сердца́ ве́рных Твои́х ми́ром неотми́рным осеня́ющая.  
Ра́дуйся, долготерпели́вых у врат небе́сных оби́телей сретáющая;  
ра́дуйся, ве́рою ве́рных Свои́х го́ры преста́вляющая.  
Ра́дуйся, пра́ведных рабо́в Твои́х несумне́нное соверше́нство;  
ра́дуйся, любóвь иму́щих в сердца́х свои́х неизрече́нное  
блаже́нство.  
Ра́дуйся, Венце́носная Цари́це, Росси́йския Гефсимáнии похвало́ и  
украше́ние.

### Кондак 10

Спасти́ хотя́щи оби́тель Твою́ во времена́ безбо́жия, зе́млю Ру́сскую  
оскверни́вшего, Ма́ти Бо́жия яви́ся во врата́х ея́ в день Успе́ния во



образе высокія Жены и рече, яко не оставит ю, но присно в ней пребудет, осеняючи покровом Своим верныя, вопиющия Богу: Аллилуиа.

### Икос 10

Стена была еси, теплая наша Заступнице, Черниговския обители, егда в годы лихолетия, яко другаго семидесятолетнаго вавилонскаго пленения, не оставила еси ю, но явлением Своим обетование предстательства Своего даровала еси верным, поющим Тебе таковая:

Радуйся, благочестивыя иноки Черниговския обители посещающая;

радуйся, присно в земном Доме Твоем пребывающая.

Радуйся, из вавилонскаго пленения безбожия люди земли Русския изведшая;

радуйся, в мрачныя годы гонений рабы Твоя исповедничеством ко Христу приведшая.

Радуйся, Царице, в ризах златых добродетелей Твоих одянная и преиспещренная;

радуйся, от неплодове по обетованию рожденная;

Радуйся, немержнущим светом святых славы озаренная;

радуйся, свободо узами страстей окованных.

Радуйся, царство непоколебимое унаследовавшая;

радуйся, заре светлейшая, мрак безбожия рассеявшая.

Радуйся, закваски фарисейския, лицемерия никакоже вкусившая;

радуйся, Сына Своего николиже преогорчившая.

Радуйся, Венценосная Царице, Российския Гефсимании похвало и украшение.

### Кондак 11

Пение приносим Ти всеумиленное, воспевающе милость Твою, се бо благодатию Сына Твоего возрождаеши монашеское житие во обители Своей, обновляючи и души наша поруганныя и оскверненные грехом, сего ради славословим Сына Твоего, зовуще: Аллилуиа.

### Икос 11

Светопримную лампаду, сущим во тме дарованную Всеблагим Всевышним, зрим икону Твою чудотворную, озарившую пещеры Гефсиманския обители чудесы многими, осветившую светом



богопознания и души наша, омраченные и потемненные грехом, зовущих Тебе сицевая:

Радуйся, Дщи Царева, Еяже слава внутрь Ея есть;  
радуйся, Еяже николиже превозможе вражия леть.

Радуйся, света жилище, ненавидети грех нас научающая;  
радуйся, сладосте сердечная, души упоющая.

Радуйся, тишиною неотмирною души посещающая;  
радуйся, упоение в подвизах изнемогающих.

Радуйся, Дево Богоблагодатная, словеса о Сыне Твоём в сердце  
Своём сложившая;

радуйся, светом святым девство Своё освятившая.

Радуйся, жезл из корене Иессеова прозябшая;

радуйся, нападения адова нас свободяющая.

Радуйся, праведных на смертном одре утешающая и в горния  
обители препровождающая;

радуйся, воду живу оставления грехов жаждущим источающая.

Радуйся, Венценосная Царице, Российския Гефсимании похвало и  
украшение.

### Кондак 12

Благодать небесныя Трапезы Сына Твоего ниспосли нам, ибо и пси  
ядят от крупиц, падающих от трапезы господей своих; Ты же и нам,  
скверншим оныя бессловесныя твари, ниспосли крупицы милостей и  
щедрот Твоих, да воспоём благодарственно Богу: Аллилуиа.

### Икос 12

Поюще славу, от иконы Твоея воссиявшую, росюю благодати  
землю Русскую и народ Божий орошающую, уповаем на Твое  
ходатайство пред Господем, да дарует державе нашей мирное и  
благоденственное житие, еже во Христе Иисусе Господе нашем, и  
взываем Тебе таковая:

Радуйся, к вечному животу погибших призвание;

радуйся, святых Твоих небесное ликование.

Радуйся, добрая раба Господня, в мале бывшая верною, над всею  
Вселенною Госпожею поставленная;

радуйся, не одеянии златыми, но нетленною красотою кроткаго и  
молчаливаго духа украшенная.

Радуйся, Советом Предвечным Святыя Троицы в жилище Божие  
предызбранная;

радуйся, незорных совестью радости в душах възграение.

Ра́дуйся, черто́же Ца́рствующаго, сла́вою облиста́нный;  
ра́дуйся, Цари́це, достохва́льная и пресла́вная.  
Ра́дуйся, и́стиною препоя́санная и в броню́ пра́ведности  
облече́нная;  
ра́дуйся, благоуха́ния духо́внаго кади́ло драгоценное.  
Ра́дуйся, щито́м ве́ры стрéлы лука́ваго отрази́вшая;  
ра́дуйся, Сло́вом Бо́жиим ми́р просвети́вшая.  
Ра́дуйся, Венце́носная Цари́це, Росси́йския Гефсимáнии похвало́ и  
украше́ние.

### Кондак 13

О, Всепе́тая Ма́ти, похвало́ на́ша, Венце́носная Цари́це Богоро́дице!  
От оскорбля́ющих нас зол изба́ви и ненави́дети нас злая́ научи́,  
по́мыслы добры́ми ду́ши на́ша просвети́, благода́тию Сы́на Твоего́  
освяти́ нас, благословля́ющих и́мя Твое́ свято́е, о Тебе́ вопию́щих:  
Аллилу́иа.

### Молитва

Приими́, о Всеблагослове́нная и Всемо́щная, Пречи́стая Госпоже́  
Влады́чице, Богороди́тельнице Де́во, усер́дныя сия́ моли́твы, со  
слеза́ми Тебе́ приноси́мыя от нас, недостóйных рабо́в Твои́х, к Твоему́  
цельбо́носному о́бразу пéние возсыла́ющих со умилéнием: я́ко Тебе́  
Самой́ ту сущей, послу́шающей моле́ния наша́ и пода́ющей с верою  
прося́щим коего́ждо проше́ния исполне́ние. Вся бо́ суть возмо́жна  
ходата́йством Твои́м к Сы́ну Твоему́ Христу́ Бо́гу на́шему. О Всепе́тая  
Ма́ти, Пресвята́я Богоро́дице, не преста́й моли́тися о нас, недостóйных  
рабе́х Твои́х, сла́вящих Тя́ и почита́ющих и покланя́ющихся  
пречи́стому о́бразу Твоему́ и наде́жду иму́щих невозвратну́ и ве́ру  
несумне́нну к Тебе́, Присноде́ве Пресла́вней и Непоро́чней во ве́ки  
веко́в. Ами́нь.